

三十六灣草廬稿

三十六灣草廬稿卷五

三長物齋叢書

寧鄉黃本騏花耘著

抵南通州謁唐陶山先生卽席次韻二首

廿載清風兩袂空，高懸治譜照江東。
潮添蜃海千層雪，春繞狼山萬樹紅。
觴詠槃桓追白傅，琴書料理到黃童。
曠懷雅寄歸耕興，楹勝新題闕數弓。

聽事前新匾
歸興二字

蕭疎關塞此身空，行李欣逢道盡東。
粉絮影留三日白，銅荷春燒一枝紅。
藏花嘲謔牙成吽，監酒森嚴殺出童。
酒間行 千里謁門容入座，翹車終愧賦招弓。

時將計
借北上

再疊前韻酬陶山先生二首

覃精著述手摩空遊眺江東歷魯東岱嶽雲扶雙屐綠
吳淞花颭一船紅食魚久信歌無客愛雉真看政及童
况是風騷開海國詩衣織滿萬家弓

萍跡依然逐浪空十年揖別憶婁東歡陪尊盞來浮白
夢繞輪蹄踏軟紅獎藉多時憐小輩才華少日愧奇童
天文應喜占星聚德里人猶仰仲弓

圯上口占二絕句

千金散盡爲韓亡圯上潛行智勇長倡義一椎真首難
沉沉笑殺夥頤王

顛羸躑項只譚兵一卷書成孺子名誰授遺經灰燼後

老人終愧濟南生

經東阿項王墓下

祖龍坑儒生新安一坑秦無兵祖龍火典籍咸陽一火
秦地赤草草作事真英雄魯儒守義思無窮衣冠具葬
尊魯公呼嗟乎仁如婦人勇匹夫石麟卧傍宣尼居赤
肩搗盡長陵土碣雲龍虎今何如

河間述舊

先大父曾官此地司馬

驅馬瀛州地人烟極目空草荒毛氏里花落獻王宮舊
德滄桑外遺歌黍麥中衣冠畱畫壁灑淚拜東風

涿州曉行

白日照平地遠山猶未明
隔煙人語碎溜石馬蹶輕
麥氣霑衣潤冰花著樹生
車鈴搖替炭曉出涿州城

調晏湘門 貽琮

碣石宮荒草不春軟紅
蹋徧薊門塵蕭蕭擊筑悲
歌夜屠狗中多竊聽人

煙月魂銷六代愁玉關誰復唱涼州
四絃淚濕銅琶曲

除是城南趙綠秋 綠秋燕市曲中翹楚

贈歌兒彩伶

珠飛黛舞月昏黃
翦水帷雲一篆香
絕代風流讓陽羨
濃情無墨畫雲郎

捧出瓊枝秀絕羣衣香花氣裊氤氳涵烟翠疊雙眉嫵

占盡揚州月二分

彩伶揚州人

宜嗔宜笑儘温存頰潤紅潮帶醉痕無限春心撩客夢
東風吹豔海棠魂

紅梔燈下轉鸚喉鈿邃瑤箏雅韻流安得阿姨三百萬
爲卿破費作纏頭

霧幔雲樓別樣春琅琅謀屣踢微塵白鷗鷁唱情無那
倦眼斜飛可意人

纏綿情蠻吐絲絲昵我偏多決絕時一笑茂陵拚病渴
無心北地買臙脂

譜緇部仗錦週遭桂

秋菊如

爭芳月旦高畢竟花場春

有價穠華難替鄭櫻桃

卿如飛絮我飄萍被酒追歡眼獨醒他日五湖秋滿棹
一簑攜去配樵青

上英煦齋侍郎六首

霄漢鳴珂最上頭瀋陽世閱冠通侯烏蘭雲牒膺三錫
白賁星旂颺八旂照代簪纓追許史起家詞賦邁曹鄴
延光宅繞金閨彥一鏡高懸仰萬流

朝衫香惹御爐薰簪筆西清富典墳宮製紅牋徐孝穆
史編青鏤沈休文直廬夜湛三垣露朶殿晴烘五色雲

况是集賢推掌院眾仙袞袞誦清芬

朱轡花外走輕雷手握蘭香綵仗開班領六曹儀百辟
秩崇九轉晉三台傳宣沙築金堤柳啓沃羹調玉鼎梅
禁漏沉沉天秩蕩端凝冠劍侍蓬萊

春官兩度主文衡桃李新陰匝

帝城冀北野空曾市駿江南花滿早遷鶯箕裘自紹先

芬舊

其先文莊公六主
禮閣五主鄉試

衣鉢仍傳世業榮盛事久符裴

皞語門生門下見門生

禁兵親與策恩新虎旅趨風夜警巡拱極羽林森壘壁
環天匡衛肅勾陳韜鈴范老蟠千軸鎖鑰萊公鎮一身

勳紀揆文還奮武盡輸丹悃翊

楓宸

贊參樞密入

機廷露滑天杯醉醲醑視草南房宣

詔紫黹藜東觀校書青據鞍雲蹴飛龍騎壓帽風影彩
鷺翎聞道冊封滄海外辰韓猶照使臣星

握四黼齋比部邀過澹園賞菊

數弓地闢鳳城旁深淺敲開九日霜圃冷秋光饒逸澹
簾薰花氣助清狂漉巾酒熟高人醉抱膝吟酣晚節香
滿眼西風容寄傲蕨然一枕到羲皇

黃瓷灌溉瀹紅泉高下花飛紫翠鮮風月半牕聯舊雨
琴書四壁潤秋煙折腰久謝塵中夢插帽應參醉後禪
絕勝梅村畱雅詠太常清聖築西田

百卉經秋盡委塵傲霜葉葉見精神香真有韻能逃俗
澹到無言最可人栗里來探雙屐雨杏林偏護一枝春

菊有杏林春
譜一種最佳

熱懷自笑難湔洗慙對名花說隱淪

我家住近羅含宅閉戶餐英讀楚辭細雨疎烟仍對此
寒蛩冷雁寄相思蒼茫望遠人千里搖落傷秋酒一卮
今日花邊容醉賞蕭蕭搔鬢立多時

爲何仙槎編修題蓮花橋圖卷

秋虹跨溪石舊圯葺前朝

橋係唐時舊址

亭影綠雙樹蓮花紅

一橋流香湘月冷普渡佛帆遙欲蹋金鰲背鄉思畫裡

招

過易水題黃金臺

瘦馬凌兢蹋曉來三年衣袂薊城埃開宮漫說師鄒衍
買駿何人識郭隗遠樹寒雲遮古驛落花春雨暗荒臺
風流銷歇黃金盡悵望千秋國士哀

嘉慶丙辰賊擾荆襄有閩女被掠秣陵凌芝泉

霄

倉皇援之託閩中老友攜歸後夢女泣訴失所
芝泉文以紀悵感題此什

蹀躞荆襄日妖蓮遍地花寒雲荒鼓角白日冷蟲沙故
國已如夢美人何處家殘烽今掃盡展卷尙咨嗟

題鄧南坡先生投壺小照

先生老作儒門宗炯炯紫猷方雙瞳一官低壓百寮底
著書插架排雷風絹拓鶯溪獺殊絕投壺影靜哦青松
巉巖劈面灑飛瀑似按節拍問琴琴圓點擊聲方點鼓
蓮花擦手翻晴空咄哉武溪多毒淫花衣犵女提繡籠
舞杖跳月吹蘆簫先生冷踞一片席八年聲鐸開盲聾
未須彈劍擬薛蜀政要蓮巖師陶公門生和曲夜吹笛
將軍雅歌秋麋弓淘洗儒酸寓經濟瀚磨蠹魄歸雍容

落落嗟我嘶寒蟲慣遭醉尉呵歸驄何時侍公喝飛矢
仰天一笑流霆紅

彭鷗亭觀察

應燕

寄示學解聯吟次韻奉答

雲開繡戟譙詞豪藻思風飛墨湧濤簾捲湘波秋一筋
綠橙香學紺花螿

皮陸風流角韻豪一編秋色瀉吟濤吾家阿虎真癡絕

虱底偷分吏部螿

卷中虎癡
和韻最多

飽嚼花前飲政豪留犁香燼酒生澗松風誰寫瑤琴韻
瑟踏爬沙認老螿

記譜紅牙調最豪桂枝香裏咽寒濤秦宮夢到無腸斷

宋木唐藝孫桂
技香詞中語
秋老江湖褪紫螿

草泥蹤跡久難豪
回首吳淞賜夜濤
葦箔一篝紅照水
涎流幾輩縛秋螿

吟寒賜壁笑蝨豪
社酒何人餉李濟
安得侯鯖分一味
椒鹽洗手斫冰螿

明妃出塞圖

一紙春風影何曾
畫史差君心青海
月妾淚漢宮花怨
入烏孫曲悲深
蔡女笳蕭蕭荒塚草
畢竟染胡沙

桐城張明府

鴻成

讀書秋樹根圖

萬軸傳家半賜書
牀連秋樹子雲居
由來飛到神仙島

餐宇前身老盡魚

醞醞有味讀書聲
匝地桐陰一卷橫
采得夕葵思潔膳
秋風吹入廣微笙

袁岸夫太守

廷極

姬人抱鴛圖

姬人爲醫誤太守傷之仿一國初方

爾止先生姬人抱鴛圖寫以寄恨

驟雨無端潑沼蓮
紫房坼影化秋烟
探丸誤訪茅山使
竊藥翻奔桂府仙
金縷招魂傷簇蝶
琉璃枝灑血怨啼鵑
吟衾裏盡中郎淚
錦瑟難膠一柱絃

天上人間渺莫尋
烟銷蕙帳委鉶金
胎仙竟煮無精火
佛鳥難棲共命林
如此葬花春寂寂
縱教填石海沉沉

青陵一樣芳魂化幽恨終銜不死心

題樊朗西茂才

全詩集

倦遊難洗馬蹄塵來此逢君藹獨親
一劍影寒燈下鬢半囊詩隱客中身
蠻溪芳草愁吟雨軍帳桃花卧賞春
豁我幽襟流雅韻亂山飛翠石嶙峋

次韻題姚香南觀察

興潔

洗兒圖

照眼綉花澱澀新紫胞初脫浴盆身
珥貂毓秀開中葉蠟鳳傳香有替人
弄得掌珠何惜晚美於冠玉豈長貧
請看世上癡兒子一笑紛紛盡植麟

牙牙學語阿翁憐頭角崢嶸條二年
文度卽今長置膝

令暉他日定齊肩

謂女公子

三章寫韻來居後一字稱師快

占先

時公子週二歲侍兒抱立凡側觀察屬寫數字教之

門戶公然高格秀昂參

光燭在東籀

擒殲爨玩勦香坐鎮巖疆化澤長攬德鳳毛儀九奏
宣風豸冕頌三湘勤傳薪火兒能讀清礪藎鹽老倍嘗
一語祝公應拊掌煙樓撞破竟何妨

柳枝詞爲張東陽

同作

折殘江北江南柳怕送行人過灞橋底事東風偏薄倖
又吹新綠上長條

風流真箇影翩然慘綠旗亭畫禁烟瘦盡腰肢無氣力

懶懶春病倦三眠

鈎簾凝望遠迷津無語含愁舞翠輦樓上美人樓外樹
一般憔悴可憐身

四圍濃綠矮牆遮影透疎櫺幾榻紗風泊天涯烟又雨
恁兒夫婿祇如花

跪地毳毳鎮日垂欄杆倚遍寫相思一心安得人如柳
露眼窺儂綠意癡

絲絲欲綰阿郎心去馬蕭蕭蹋綠陰銜取飛花入窠裡
背人分付小紅襟

蕭孌店外嘯烟翠蘇小堤邊咽露黃羨殺曉風吹作絮

化萍飛去傍鴛鴦

半擱春陰半晚晴依依裊裊不勝情柔絲一種春難斷
妾織迴鸞柳織鸞

向人婀娜復溟濛啼斷樓烏黯澹中如此心情如此樹
春風難耐况秋風

經年我亦酒魂銷惆悵簷前認舞腰記得夢尋芳草路
一條烟水段家橋

鍾馗夜讀圖爲香南觀察題

磔磔盈腮倒捲髭生天成佛總成癡
咿唔長夜何時旦

奴鬼垂頭睡不知

旁畫小鬼
垂頭而睡

蠟花播綠鬼風多，
蠹理頭死入魔。
蕊榜無名題碧落，
何妨關節問閻羅。

花樣文章轉轉新，
揣摩終古誤頭巾。
知君羨殺方三拜，
僥倖科名死後身。

紅紗影裡眼模糊，
博得朱衣首官無。
翻欲借君書一卷，
降魔咒鬼畫靈符。

次韻題汪浣桐茂才小照

三載摩天滯弱翰，
秋風羸馬出長安。
離塵術未騰輕蹻，
驚座名會詫小冠。

初晤浣桐疑與浣雲儀部
同宗及詢里望始知各別

欵洽茗澆

蒼雪乳生涯，
硯淬紫雲肝。
齊門好客容彈劍，
避火無嫌

飯共搏

蒼茫春望遠蓬蓬聽鼓湘靈瑟未終佩芷初蘭吟楚些
獠花犵鳥靖邊風千言諭蜀推司馬五噫思吳老阿鴻
記取軍門磨盾墨夜郎城外竹王宮

銜悲風木感年年客館情懷劇可憐心斷鴿原當日淚

夢遙鴛帳再生緣絳桃花自邀專寵

昌黎姬絳桃

珠樹枝應

茁後賢最好湖山待歸隱觀潮我記踏蕭然

曩遊武林會渡錢塘

江登蕭然山望海天諸勝

飄萍同此故鄉違入幕參軍古所譏筆札我曾慙谷永
刑名君定薄韓非粘天芳草青連嶂捲地楊花白到幃

幾許新詩題馬柱溪蠻抄去織弓衣

樂府酣歌雉子斑短衣龍雀壓雙環人來尚雨春將老

書盼衡雲雁未還

虎城在衡陽
久不得消息

怕首輸君麾白羽壺頭

訪古問青山儒生寂寂終何用高密登壇笑破顏

香南觀察以琴鶴歸舟畫於帳額并繫以詩次韻

帳掩梅花倚畫牕蕭疎琴鶴夢歸艘層巒發雨青圍幕
野樹搖春綠過江一檝風馳招贊普三邊烟警靖都龐
東山莫漫思高卧曾除攀畱盡拜降

再疊前韻畬觀察

琴聲鶴影敞篷牕宦况清於石戢艘笳鼓夜鳴諸葛寨

鶯花春夢伍胥江，墜開荒微榆栽。鄭拔盡強宗，薤掘麗
况是推誠親，免胄吐蕃都爲令公降。

由五尊赴乾州道中作

鸞音聒耳語啾啾，猩狒叢中鎖日遊。九折盤蛇梯磴道，
四山蹲虎插碉樓。尚谿險闢苗風洗，草樹腥餘戰氣浮。
想見籌邊傅介子，枕戈慷慨擁貔貅。

乾州廳昭忠祠弔宋司馬

如稽
旗人

烽火搜城智勇捐，蒼涼碧血灑寒烟。焦頭上客論功日，
齧齒孤臣入地年。燕市雲歸秋唳鶴，蠻溪月落夜啼鵑。
蟲沙劫盡丹忠炳，銅柱摩挲意黯然。

白蓮次彭石屏上舍

文藻韻

炎塵不浣軟綃襟，冲澹香邊愜靜吟。
幾葉涼雲扶露壓，一奩冷月蕩波心。
僧開白社誰如遠，詩到青蓮句似陰。
北渚辜秋休泛棹，屈騷流怨渺於今。

冷然爲我浣幽襟，清簟疎簾抱膝吟。
飛燕舞衣留瘦影，狎鷗秋艇話同心。
無多澁蕘香於水，最不分明月有陰。
一笑淡交盟淨友，停雲招颺雨來今。

秋日隨蘭坡先生遊太虛洞

乾州城東五里

慈州宅荒隅，夜郎郡拓舊環城。
森峯巒百頽，翠一秀平生。
邱壑癖癡結，不可灸探秋陪杖履。
徐行長者後，俯淵

踏危礅樹山仰，鼓岫凌虛躡洞天。呀然豁靈竇，失笑足音
蹙。譬彼幽人，遺螺懸一殼，圓蟾偃半月，穀烟藤紫垂
屏雲花爛列，繡縮瑟來深窺。跌蕩恣俯就，歆仄紆盤蛇。
趨捷競飛狻，踐踏聲彭觥。扼衣勇啣，嚼紺罔中開。張遂
若敞堂廡，無乃棲真鷲。時見撲仙，馳鬪鑰遊。椰娘訪砂
到，勾扇一呼獅吼林。四應牛鳴，窳巖嵐氣蒸穿罅。日
光透凝乳，紛高低怪石錯。左右銳折笋，尖枯突磨筆。頰
瘦如渴驥，將奔似燧象。欲鬪莊嚴梵王，髻腫醜齊女。癩
卧虹忽橫飛，一豹跨清灑。噴薄流瑋，溷鞞鞞叶金。奏續
竿深莫測，投塊底誰究。怕驚蟄蛟眠，綠淨未敢敞。乃知

洞曠中別有人間宙嵌壁三殘碑飛動類篆籀鳳泊字
消沉螭拏跌皴皴畫肚味波磔矜牙脫句讀先生坐洞
門遙以手指授刮薜命摩鈔古芬襲衫袖曛鉦挂嶺低
暝練薄林淡出洞循歸塗行行步仍畱回望鬱蒼蒼疎

鐘遞靈鷲

洞前有佛刹

題趙春麓司馬

文在

松石小照

使君定是蕭思話意在長松瘦石間睡起捲簾吟抱膝
囊琴籠鶴午陰閑

盤陀磴石綠扶疎兩載邊城坐嘯餘長日風清攤一卷
春秋猷決廣川書

巖巖風生醉脫巾爲霖爲雨鬱蒼鱗虎頭粉本真癡絕
巖壑中間置此人

海粟園菊山爲蘭坡先生賦二首

堆髻瓷花颭酒天遠分朝爽淡無邊別探巖壑幽人徑
寫照烟霞隱士緣賞雨未須雙蠟屐買秋誰辦一囊錢
眼前幻出岡陵影來酌寒香壽偈佺

一樣峯巒疊幾層窗含遠影寫秋燈依然靖節籬邊見
不羨重陽雨後登笑我餐英來俯仰爲人招隱太峻嶒
名山久訂平生約悵對西風了未曾

虛飄飄次蘇文忠公韻

虛飄飄駘驢箱疊紙渡蟻草編橋連泐鉢千朵絃鏗冰
七條燈影寫花橫素壁水心投石破青霄虛飄飄比勞
生世猶堅牢

虛飄飄山氣晴成市河漸凍結橋秋風班女扇春絮洛
娘條炭獸蹲壚雄噴火紙鳶斷線健摩霄虛飄飄比侈
聲勢猶堅牢

虛飄飄銀花翻雪窖火樹閃星橋衣暖蘆裝絮珠圓露
墜條寶鴨颺烟蟠碎篆金蛇掣電割層霄虛飄飄比張
勲業猶堅牢

次韻俞朱晴溪

照廉

不斷松風謾謾吹清邀譚塵忘朝飢才名少日君超甚
著述中年我愧之綠酒紅牙張叔夏筆牀茶竈陸天隨
幽襟攬盡湘州秀沆韻蘅荃百首詩

一笑齊竿久倦吹閉門煮石腹鳴飢鶯花舊夢愁無那
湖海狂名浪得之選入文樓勞首肯

以余詩入
同人集

掣來吟

聳快肩隨風流合遣雙鬢唱賭取旗亭畫壁詩

觥酒生鱗激灑吹一亭聳秀療余飢

是日譙同人於竹
公房寺後有亭曰

秀過江嶽色青來此到寺湖光綠繞之開士談禪宗遁
遠名流摘艷棄陳隨攢眉莫笑迂難洗清嚼寒梅細寫

詩

柳下懷張笠漁

潯岸瀟瀟月一痕，幾絲搖曳舊吟魂。
危樓煙淡章臺路，破屋春荒處士門。
醉想小蠻翻別調，愁聽羌笛怨黃昏。
風流忽憶張思曼，短艇曾維驛外村。

題朱南溟鵬入夢圖

今古浮沉一枕頭，東風浪蝶撲簾鉤。
何如睡熟華山頂，勘破滄桑五百秋。

次韻送朱晴溪歸金陵二首

雙橈春送綠沄沄，望裏青山一髮分。
歸夢遠含鍾阜樹，鄉心高颺鏡湖雲。
鶯花又結新詩社，風雨應懷舊酒羣。

龍劍磨秋闈夜嘯紫芒先躍斗間文

我亦秦淮咽夢多蕭然林卧感蹉跎春銷蔣妹祠邊酒
月冷王郎扇底歌戀舊中年情太惡煩君到日訊如何
寫懷芳草能相憶六六鱗紅一尺波

過銅官渚用杜工部韻

綠湧天無際層波渺渺間乘風來一葉流夢過重山
雨花飛澀江春柳破慳銅官雲幾疊翹首遠難攀

秦關

春水漲江綠舟行縹渺間篷牕拭遊目隔岸見青山
此地幾人隱仙緣終我慳高歌懷社老訪古興龍攀

入喬口用杜工部韻

春風吹客醉村酒不須賒曠蕩心如水平艱難鬢有華壯
懷雙劍冷離思一帆斜迴望湘流渺寒聲走白沙

野泊次秦百二關韻二首

挂席濛春流葉葉蠻溪雨豁然萬山中殲此當車斧行
藥斲巖苓踏石落洞乳日暮蕩鄉心遙天雪一縷
我家負湘郭環以嘉樹林春風瞥然至吹綠林間岑擊
檝去鄉國悵望情何任撫琴不成弄哀猿嗥夕陰

原作

秦關

江春夜流月天空收積雨遠火下漁舫隔林響雜谷

濁醪挹湘醴清茶烹的乳談諧共開襟消盡愁千縷
五溪隔楚西遠涉重攀林膽破逆灘浪魂消蠻嶺岑
歲歲此行役擬險力不任夜深思故鄉夢繞家山陰

沅江道中

春風碎客心吹作橫江霧隔斷舊山青溟濛天外樹騷
魂香草中千秋人不遇一杯酌江波喝月中流住

入沅江次虎癡韻

別淚灑湘雲萬綠搖竹箭愁絕鷓鴣啼扁舟去鄉縣朝
聞江水吞暮看江烟變回望舊家山蒼茫總不見廿載
片篷飛曳風鳶斷線性命波濤輕生死鯨鼉戰印爪笑

泥鴻蹄心慙社燕此行又偕君依人磨一硯
鎌帛慎勤裁丹鉛休告倦登牀杜甫狂洗足
馬周賤誰能測延津掣影躍秋練况我蹋蠻
山破碎雲千片猿鳥恣啣啾撞花空苑變芥
蒂雲夢胸模糊廬山面何時歸舊廬對牀
契夙戀

賀柘農孝廉

熙齡

次韻見贈疊韻會之

攜手踏燕臺漏聽銅虬箭歸來各紛飛同閑儼隔縣君
才健於鶻盤空翻矯變瓊榻擁瓊湖風雅翩翩見憶昔
角馳騁流霆閃飛線辟易千後猊雷雨昆陽戰嗟我坐
盲聾旦夜判蝠燕毫秃徃毛管墨枯鸚眼硯蠻府拜參

軍蠻語耳聽倦吐茵誰耐狂扣角自鳴賤此別修難慕
莫翦半江練江水咽離愁激盪不成片畱人風打頭孟
獲亦婉變又詩聊撚鬚暖酒且熱面秋帆盼同歸倚閭
慰遙戀

題柳陰垂釣圖

科頭踞石坐塊然山澤壅絲楊跪地燕雙語東風吹綠
搖鬢眉我笑昌黎欲走海直釣未肯垂沮如何如一竿
看君釣志在流水不在魚

至沅江贈陳楓階大令

宸書

次韻

片帆飛挂洞庭烟水影山光盪眼前點浪桃花紅未了

過江柳色綠無邊
課半曉旬來翼
遂步馬春街
遊鮑宣
却笑清風仍兩袖
虛名博得宰官賢

天心湖雪泛

衝碎湖心雪
抽帆坐淼然
舊山青斷楚
遠水白環天
旅夢懸千里
春寒聚一船
朗陵在何處
雲外幾絲煙

過天心湖用王陽明先生過沅江望天心湖阻風

韻

撫劔忽不憚
行行去舊里
散髮掉扁舟
衝風一葉駛
巨浪撼愁飛
頽雲壓天地
狂蛟又阻舟
十日九齟齬
蕭颯
天心湖慘澹
楊么壘
朱鼎昔偏危
草竊亦睥睨
背危不

飛來安能靖江汜，卷草旗湖搖湖卷草旗。青青千載指，上草名傳

是岳侯對此感茫茫，扣舷歌未已。蹤跡大海萍，浮沈渺

無淚。淚濕阮途窮，纍冷梁塵噫。倚市邯鄲倡，被酒來作

使。撥雲叫明月，一樽吾醉爾。太白杯猶生，伯牙絃已死。

去年京洛歸到門，笑投止長揖。入過幕將軍，大樹倚唱

斷。武溪深，毒淫澹清沚。吹角夜無眠，彎弧秋不弛。膽碎

盤馬聲，身翻射鵰勢。徑欲終投筆，何妨誓折矢。狂語駭

湖波，簸盪舟難熾。湖神倘我憐，怒顏應轉喜。傍晚風竟

平，拖練淨無滓。更呼瑤琴彈，康庚裂橫理。湖上青峯青

知音究誰恃

邱高山壑作朗江送別圖見贈次韻題之

紅繞津亭綠繞隈
水光盪影亦徘徊
離雲低鎖仙人洞
一片懸蒲展不開

涵碧亭題壁

流水依然幾曲斜
東風吹綠柳鬢髿
九年夢斷仙源路
今日重來問酒家

過桃源用王右丞桃源行韻

輕帆吹挂桃源春
紅霞壓岸花飛津
三千年來問流水
我亦當時洞裡人
結茆記得緣巖隩
半枕幽泉半林陸
行吟未擷楚臣蘭
別淚不彈湘女竹
長城築怨宮築愁

逃遁笏笞脫赭服雲水一區天外源亦疏蕪穢鋤田園
不見滴池龍壁碎詎知靳澤狐篝喧吁嗟海上童男集
徐市漂流去鄉邑蜉蝣島外片篷飛鼉鼉波中扁舟入
眷屬何如家此間擾攘浮雲任往還重瞳雖逝烏江水
五采龍遙芒碭山四塞况經黃霧見閭位翬聲噪赤縣
銅臺歌伎悲曹瞞玉塵蒼生誤王衍世上滄桑幾戰爭
山中歲月無更變千古萬古烟雲深蒼茫隔斷桃花林
卽今商山起圍綺如此仙源誰去尋

穿石

在辰州界

飲溪渴蟒蜿蜒送躍立墓石屹不動

溪上山如盤蛇剛有石名蝦蟇陡

看盡鐵撐青天竅開唵呀嵌破瓮鏡痕頗訝神磨錐斧
跡全消鬼鑿空虬螭挈攬蟠幽宮風雷吞吐激陰洞瞞
天參差一帳高凝乳時聞滴碎湮我來停船傍石根聞
首不敢恣嘲哂阿虎肩扶梯層巔趨捷雙趺躡飛鞚挂
樹落日圓傾盆插雲遙峯尖裏濶危橋空跨山半腰絕
壑俯懸壁一縫崑崙崇煥三神祠煙外泠泠搖鐵鳳踐
窟忽驚巢鶴唳窺林怕有山魃閔忡忡歸船擁被眠髣
髴神宮尋像從悄然拉坐竇石間頓遺囁岳化牖棟眺
游攀險雖我豪骯髒驅飢亦我痛再拜覩縷將申詞春
枕灘聲悖破夢

是夜所
夢如此

湍花滾月蕭蕭流踞船橫笛疊

三弄

明月六

寒翠落層霄稜稜插雲骨流影到蠻江一片湘天月

三十六灣草廬稿卷五終

三十六灣草廬稿卷六

三長物齋叢書

寧邨黃本騏花耘著

清浪灘次秦百二韻

灘風吹我毛髮寒，凝雲冷墮青巉巖。
平生膽碎江湖險，盤盤又上蠻溪灘。
萬石咽水水亂瀉，一纜失勢千丈下。
何異猿啼出峽船，灑灑灑騰空怒如馬。
曩聞轉漕師南行，頑根惟斷千猙獰。
乾隆乙卯平苗會盤險利運乃斬蛟鯨漏蠹蠹，敢
風飲浪鳴有聲，伏波祠飛壓石破支危。
尙賴餘威撐誰，唐快劍盡剗斫，綠淨一溪春水平。
我來沂灘了不悖，開拓心胸要險地。
算兀片帆翻然至，驅鱷未敢當韓豪射。

虎何妨呵醉尉却笑髯秦老作客吟摹萬險愁遠涉
艤舟且買灘頭釀澆君一醉春風熱

原作

秦關

雷霆戰鬪白日寒劍戟森立青巒
岘洪濤萬丈走光怪長江湧出清浪灘漲天雲岫夾灘瀉水石爭衡氣
不下石迎水搏立青猊水駕石奔馳白馬舟穿石罅衝波行水石鬱怒
威猙猙颼颼一派風火聲百丈纜牽千篙撐得寸上寸尺上尺十里灘
盡波始平波雖平心猶悸瀟湘千里流無如此險地其險也如此胡
掉扁舟至旣非南征馬伏波亦非西謫龍標尉依人

強作登樓客千里蠻江勞跋涉鷓鴣聲裡憶故園
那屋梅花春釀熟

泊辰州

斲斷青山骨梯雲拓郡樓人煙棲樹冷客夢咽灘流又
踏五溪水來停千里舟數聲邊外角落日挂壺頭

辰陽客舍逢寒食示虎癡

去年我來遊獨卧五溪堡今年又攜君同踏五溪道傷
哉貧驅人身世混猺獠酸風冷雨中坐令光陰老舉頭
望湘雲一白橫天杪臨行身上衣線跡縫顛倒慈親定
倚門雙眼倦遠昊大婦縑徒織中婦素空擣無米事晨

炊何能矜手爪縱不節禁煙定亦爨斷燎蕭蕭郭門骸
纍纍翳蓬葆燒紙嘯孤兒澆飯走村媪草荒先人坐迢
迢廢拜埽羨此蚩蚩氓其鬼尙宿飽瑣瑣煎中懷百憂
來倬倬客臆手一編勉旃共追討

題光嘯門乘槎圖

知君笑殺唐山人新詩滿瓢江流春又知君笑杜陵老
笠子縛頭寫詩草迺頂一笠腰一瓢半段枯槎萬里湖
散髮踞嘯天風飄飲牛河邊問洗耳泣鮫宮裡窺織綃
盜斟天甕枕槎卧磨餅灑灑蒼銅高我亦海門曾喚渡
雙脚蒼茫踏烟霧紅塵不洗骨不仙神風未肯奪帆去

金銀遙見飛層臺青鳥銜花琅玕樹誰知縹緲雲水涯
盡是君槎盪游處槎頭我欲開葫蘆借讀扶風舊漢書
不爾拜君君莫駭嗟峨袖中有東海

虎癡主虎谿書院以詩示余情詞鬱塞戲和二首
萬植酣酣蘇春陽烟絲飛送山一房虎谿先生絕可笑
抱經坐破藜根牀炯炯光吐鼻端白稜稜氣躍眉梢黃
幅巾試作鸚鵡舞要君學癡先學狂

閉關一編伴侶陽蔬筍厨冷如僧房歌聲有時出金石
筆花捶落銅琴牀天與男兒好身手徑須飛劍師中黃
生斫乖龍縛饒虎跳盪一吐書癡狂

虎谿書院謁王陽明先生遺像

先生自龍場還過辰郡留龍興寺彌月辰人王嘉秀實夫蕭琦子玉及劉易仲等游其門寺旁石有杖藜塢三字先生題也石今無存

舊塢杖藜到衣冠碣像存宗風綵酉水餘緒勦寧藩朱陸雖殊派王蕭得及門虎谿今樹學百代仰淵源

望壺頭山

壺頭矗立雲濛濛四環冷翠吹船篷豁然聚米拓形勢終古新息留英風烈士晚成四七際羊裘皮袴何恢雄白帝公孫并蛙噪天水上將丸泥封遨遊二帝不苟合

洛陽奉使真人逢南盪交趾北抗虜駱越鼓鑄銅馬銅
勲業不藉椒房貴圖畫那用雲臺崇被甲據鞍示可用
壯哉征蠻翼鑠翁貌猗大眾壺頭進要制蠻命腹心攻
鉅險利戰在神速寧假迂道潛由充炎氣毒蒸士疫死
天阨良非人謀窮曳足蛇窟耿颯爽裹尸馬草垂精忠
未論心跡論成敗西域胡賈讓誠工上書縱賴訟朱勃
飛榜何能排梁松不觀希範據五代控馭谿崗殲獠獍
一柱銅鑄錦獎界猶繩祖武銘其功二千餘年陳迹掃
巖關扼險開辰龍風馬雲旗想來去怪鳥呼烟爨嘯空
鐵笛橫吹武溪曲斜陽倒挂山椒紅

瀘溪道中

赤脚青裙汲水來，山娃生小白雲隈。
油桐花底杉皮屋，門倚蒼巒半扇開。

蓬沓銀環姊妹同，蹋歌連臂唱東風。
愴愁不管春多少

野菜山花滿背籠

背籠負物實也

聞子規

參天萬樹暝雲齊，千里離家客五溪。
行到蠻山蠻水外，一聲淒絕子規啼。

清江洞

在瀘溪乾州交界

誰手摩天斧，青山劈兩段。
一溪中間流，木花激淩亂。

然硃晴雷咽洞石矸矸萬鼓搥都曇節拍不可按我舟
詰曲行怒湍屹於岸疾捷三長年被襖莫掩肝使篙篙
欲折使纜纜怕斷裸身躍入水噓喫齊一喚或猛扛以
肩或彊拏以腕力瘁上洞來浹背赤流汗回望洞下流
餘威尙滌泚昂藏古丈夫冠裳立天半得非南征侶胡
此蠻方竄天風吹化石應爲勞人歎俛首何無言眈眈

峯頭看

洞上有石人立層
峯巔冠帶逼肖

大小壁流乙卯駐兵地也感賦

嗚咽灘聲繞壁斜倚篷醜酒弔蟲沙荒鱗舊墨留孤堠
劫火遺黎膾幾家濕擁瘴雲林喚鳥腥吹毒霧草藏蛇

此來衝險愁無賴，又聽層磴起暮笳。

舟夜

荒溪流片月，激盪不成圓。
春氣暗生水，灘光飛上船。
傾壺人獨醉，支枕夜無眠。
歸計占何日，空山叫杜鵑。

秋日游濠溪，丑坵諸山土人云乙卯大兵克復乾

州督帥駐營其地

曾聞羽檄走紛紛，險接黔巫煽楚氛。
銅鼓神馳新息廟，鐵衣鬼哭武威軍。
環營萬樹明秋燒，排戟千峯冷陣雲。
誰挽溪流滌巖蘚，鋤功補勒李臯文。

巴陵翼立海爲傳重庵中丞作永綏

紀功館中敘陽孟
岩一節乾州地也

苗裔紀事八首

老婦槃中鹵信信出犬王五溪蕃種部六姓宅巖疆誕
說傳辛女殊風接鬼方尾形仍陋俗僕鑿製衣裳
吼空傾瀑竇拔地插雲根樹頂風顛鵠藤腰雨挂猿黑
煙荒砦盡綠火戰場魂窟穴天開險驕藏吐谷渾

列屋開羊柵延賓上火牀

房屋如羊柵曰羊樓中設火牀男婦聚處其上

鬪歌

邀老妹

呼女弟爲老妹與漢音近峇至鬪歌取勝

講互聽牙郎

議事名爲講互解紛之人

日牙郎

毒食朝餐瘴淫刑夜曬霜

掠得漢人冬月去衣使露處曰曬霜

馱筐

花壓背起市集墟塲

障身影木葉飲鼻啞藤枝

啞酒以藤置鼻吸之

跳月月圓夜

男女自相

婚配為立踴秋秋到時聚唱名踴秋蘆笛吹挖婦竹鼓打

跳月會苗婦學竹鼓沿村歸去還祈鬼攤錢祀簸箕祀鬼

箕口舌

諸名

刻木無文字不知文字荒荒古俗傳海肥齊綴錦海肥

字書作山賤儘輸縉射虎風咆穴孳龍雨旱入山洞

有應謹呼竹王廟雞骨卜豐年

喊發鷓鴣號出鬪助喊妖徒竊負嶠火飛鳴鳥銃嶠中

名過刀擲跳雞模擲刀跳盪窺伺馳奔馬嘶聚訓狐

扣槽酣醉飽夜賽黑盤瓠瓠夜插鼓於野

寬大聞

天詔羈縻赦再雄

乙卯平苗赦酋首吳隴登等以招撫之按宋時用秦再雄制蠻意亦符此

投誠歸版籍闢險盡犴獍樹學文敷教屯田武奏功藍

袍來跳躍鳴鹿聽秋風

馬後天王見猶張介子威

傅重菴中丞攻益苗寨馬後三天王見形蠢眾誓懼天王

卽竹王三郎也天王之稱沿宋制軍營立天王堂

鷓鴣樓千障立虎寨四山圍夜

火懸亭堠秋風練仗飛防邊功不細畫像肅清巍

中丞繫隄

乘馬畫像視於乾州

乾陽客館暇日鄧蘭坡先生過訪出詩牌爲探珠

之戲分題分體得詩四十首

秋游懷金山

閒拖藤杖過橋東，徙倚危闌聽晚鴻。
花影半溪流客夢，詩心一笛送秋風。
竹樓煙澹遙邨外，霽岫雲低古洞中。
遠憶金明湖上客，雙帆波綠酒船通。

絕笑

絕笑吹簫客，遙情入雁聲。
樓陰雙樹古，牕火半簾明。
竹翠風飄冷，蓮紅露滴輕。
裁衣秋色淺，巖岫暮寒生。

聞歌

高樓誰度曲，濃淡遞秋思。
花影香流處，桐陰月到時。
多情分旅夢，有韻入新詩。
被酒人初醒，偷腔和柳枝。

夢遠

夢遠湘天嶺樹重飛花慘淡草鬚鬆漉巾酒冷陶潛菊
入幕香銷庾杲蓉雨鬢秋風雙劍雪半牀落月一樓鐘
殘更滴盡銅壺漏愁聽吟寒午夜蛩

無題

香軟蘭風澹柳煙綠陰濃處歇秋千青青按拍東東唱
半浦湘雲去采蓮

夢西湖

仙舄翔風擲紫簫南屏鐘韻出雲遙滿湖碧漾雙螺影
花雨吹紅畫六橋

無溪晚步

扶筇我來五溪遊，夜夢半繞湘江頭。
絕岫層巒滴濕翠，練光淨瀉巖泉流。
村橋話雨先探秋，隔林霜寺墮黃葉。
山茗點客僧一笠，邊樓誰唱古陽關。
鐵笛橫吹曲三疊，蕭蕭鶴影下寒巖。
雲外蒼屏露迢嶷。

懷友

西風疊疊捲浮萍，又采江蓉踏晚汀。
嶺外書來遲舊雨，樓頭人去散晨星。
孤舟夢繞層濤碧，千樹雲遮遠黛青。
愁絕天涯歸約斷，蕭疎吟立短長亭。

塞上曲二首

漠草冰天斷雁橫，紫臺人去冷無情。
黃雲壓帳風傳曲。

愁聽銅琶犯尾聲

盧龍塞外旗翻雪回鶻城邊劍嘯霜夢繞葉河流不盡
鐵衣寒立夜思鄉

秋柳二首

唱斷陽關疊後聲枝枝攀盡遠愁生寒蕪掠燕春無影
淡月啼鴉夜有情歸思半樓銷玉笛吟心千樹冷金城
六朝夢醒西風晚絲慘長橋畫不成

十里涼枯踈地陰塗經板渚氣蕭森明湖歌扇波光瘦
冷塞征衫月影沉臺榭烏棲寒往跡關山螢點碎秋心
酒痕黏袂情懷惡吟折河橋寄感深

無題三首

髮縮秋雲燕裊釵羅衫染碧繡弓鞋冰簾不捲波紋動
金葉聲中聽鬪牌

敲霜鐵馬繞檐鳴一粟寒燈夜五更何處雙鴉粧黛冷
隔樓歌送踏莎行

鬢絲風飈綠雲香影動奩花送羽觴唱斷樽前河滿子
舞衣夜裊蹋搖娘

蟋蟀

碎語月明夜幽情咽冷絃王孫歸未得思婦懶無眠夢
破籬花外愁生砌草邊來聽人小立雙鬢上秋烟

邊城書感

聲蕭蕭邊城笛吹老行人雙鬢白垂楊折盡萬絲煙冷
透征衫落秋色回首昔年遊踏月紅橋頭被酒邀歌扇
題詩上舞樓練裙烏帽人風流此來林立層巒在惟見
歸鴉噪雨斷雁啼霜掩靄溪雲寒壓水一笑狂如木石
兒夜裏船舷唱小海

征婦詞

黑山夜斫冰崔巍邊城一綫天雄開黃皮縛袴腰鳴鐵
健兒快馬馳如飛記昔點軍書卷卷郎名在送郎出關
門離家今十載寢風蕭颯望遠蒼茫夢中無路到遼陽

蘇蕪山下魂千里野花野草搖昏黃愁慘慘兮沙戍冷
莫寄吳棉衣一領寂寥明月挂寒宵叫斷雲邊孤雁影

秋草

愁絕文通遠別鄉關河吟望影蒼涼銅駝陌冷秋搖露
石虎城荒曉壓霜野燒吹紅來十里寒波留碧憶三湘
樓空燕子遮難斷暮雨瀟瀟唱阿孃

題坡公畫像

雪堂會草翰千字醉酣題心與泉明洽頭難六一低仙
才垂海外鐵曲唱關西餘子張鼯在風流渺未齊

海粟園題壁

小葺山茨養白雲，碧縈兩岸界溪紋。
仙坡豪宕成詩史，老可風流寫墨君。
繁艷鞦韆桃半吐，新梢礙戶竹初分。
畫長真坐耽幽閱，添炷鳧爐蕙篆熏。

贈劉省堂

雲鶴翩然振逸翰，底須文冢嘆葳蕪。
治遊前度懷桃樹，清賞何人問牡丹。
策隸銀毫曾壓沈，詩吟冰柱定交韓。
長城儘許偏師搗，三六才名一例看。

贈彭石屏

少日詩名已擅場，虹霓新詠續天章。
秋風捧檄登高閣，夜雨傳經拜後堂。
張幔歌酣神女曲，畱鞋嫁笑小姑粧。

千鍾且醉牀頭甕，
唱他年侍紫皇。

贈張森圃

劍閣銘題又幾年，
豪吟不寫四愁篇。
盟心雞黍樽前約，
歸思蒹蘆夢裡船。
樂府銅絃今見籍，
文壇綵筆昔聞燕。
喜攀交讓池頭柳，
投轄陳遵醉拍肩。

詠史二首

幕府陰符手一編，
刀磨大食戰袍懸。
天山獵雪探眠虎，
瘴海摩霜看站鳶。
臺上呼鷹愁蹙表，
座間捫蝨惜扶堅。
露旗捷奏明駝足，
跳盪歡聲凱唱旋。

美釀擅車遞往還，
蠻鞞豪飲脫嬌鬟。
陰森蜀閣形攢劍，

破碎交河氣撼山堞湧夾城橫柳塞兵焚一炬照壺關
酒泉郡舊臣親入老去心遙燕領班

尋春

晴湖浪暖浴輕鷗選勝尋春託短謳聲嫋四絃鳴鐵拍
歌酣一串譜銀鉤珠樓綃翠來仙鬢繡嶺凝青送佛頭
日伴婢娟餐晚秀粗豪拚笑醉鄉侯

孤館

旅夢何因到北堂寥然孤館暗懷湘曳帆影轉蘆汀暝
聽鐸心搖竹閣涼齋壁浮嵐曾畫米塵函蘸墨待臨唐
步兵廚畔瓶罍溢軟障幽馨菊裊黃

憶舊

履道坊前夜讌闌藤梢礙檻影交盤
鉤奩漾月棲輕燕
絳扇邀涼畫綵鸞
豪客黃衫留劍冷
仙娥白紵疊衣寒
情餘瘦沈延清詠脫幘狂吟酒膽寬

宿山寺

閉蒲冷火奇禪房悄挂冰蟾皎
夜光筠榭談經搖雀扇
梧亭栽韻聚螢囊
槎牙客味昨遭白
枯瘦僧齋面帶黃
懷我吟襟幽賞遍
征衫蕩漾颭輕涼

擬宮詞

仗前烟縷閃旌旂
金鷲臨粧鵠鑑收
鎖閣花搖聯甲鏡

丹除箭緩唱庚籌鳴鞭九殿開魚鱗簪筆干官直鳳樓
迎曉朝天扶輦出雕輪油幕頌春遊

贈鄧寶帆

邊郡探幽眺莽蒼孤雲踪跡遠離鄉豪仍似艾憐蘇過
狂絕多朋愛葛疆水色碧添萍沼外雨聲香泖杏筵旁
綠腰小令閒挑撥譜入蕢洲我擅長

憶蘇杭舊遊二首

會仰鷗波一棹孤鶯花約我到東吳歌聲客喜王曇首
詩律人推范石湖驛閣吹晴搖鐵鳳篷牕蹴浪濕銅烏
三高祠下天如水蕢醉斜陽倒百壺

游騎念念旅思遙飛鴻遠盼寄輕綃彈棋座上邀吟塵
掀笛壚頭送酒瓢楊柳晚烟蘇小墓桃花春水秦娘橋
年來悔作歸與計山色湖光夢裡招

題普賢坐象圖二首

慧燈無盡續眞如卍字胸涵水月虛花湧紅蓮燒火宅
衆生齊轉白牛車

雙林花外裊幽馨
踏瑤光影散星
一樣龍華毫吐白
禪心獅吼馬馱經

梅

袖裏寒香結隱緣
尋梅索笑意道然
棲株睡鶴環吟屋

繞閣擎龍颺酒天十里雪魂清似水半牕月色冷於烟
金罍記伴紅裳醉別贈吳門泊短船

虎癡以式相好齋初稿寄閱漫題其上

一卷清河小弟詩江西宗派是家師宮闈體自輕江總
樽俎人誰說項斯踪跡幾年備馬磨才名少日寫雞碑
愁余客臥漁溪水夜雨情遙獨聽時

留別漁溪諸子

洞天仙笈飽紅蟬贏得狂名溢鬱林寒嶺排霜蟠虎跡
官簾點露疊鴻吟一櫂且盡留髡酒萬首難酬嘔賀心
柳送歸船勞折贈新詩滿載武溪潯

遲雪

我竟欲高臥吟寒倚暮天梅邊香待酌竹外冷停絃空
際色如許此時思悄然心適人渺渺未放剡溪船

題朱荔堂

怡典遺詩

秋風吟社冷湘城落葉敲牕夜有聲細檢金荃燈底讀
茗鑪藥臼想平生

流水泠泠膝上琴微茫樂府漫追尋鏡歌巾舞翻新調
一映妃豨漢魏音

山樓讀書圖

吟唔秋冷半樓燈烟翠沉山月挂冰肩拍華陽同一笑

瑤笙吹上第三層

洛神小幅

綠波湘水裊明璫借影離騷夢一牀千載風流銷不盡
銀鈎閒揭十三行

山齋獨夜懷劉芙初編修

嗣緒

周稗圭司業

之璜

風脆簷牙鐸蕭蕭霜氣深殘篝饑鼠出斷瑟冷蛩吟閱
世愁邊鬢懷人夢裡心知音渺京洛寥落抱枯琴

曉出望湘山

澄空寒霽掃朝氛韶露溪山畫不分滿壑烟濤陶宰相
數峯金碧李將軍槽牀昨夜聽秋雨林榻何年枕白雲

風帽欹斜回首望馬頭黃葉墮紛紛

宿開福寺印公房

馬王廢苑鎖烟藤斑駁琳臺石幾稜嶽雨半樓棲冷客
湘雲一榻伴詩僧禪風久寂無會佛果難參最上乘
鐘貝聲銷蒲褐偈疎林紅露墮尖燈

曙起

積葉鋪林屋黃雲凝去聲不流孤吟寒漏斷殘夢曉燈留
生世愁中雨鬢眉鏡裡秋何時尋舊侶短笠一漁舟

臘夜留龍三雲東瑛小飲

與婦謀來酒一樽消寒強醉坐燈昏閒雲似我難離岫

時計借
未果

舊雨惟君喜過門
袁虎租船徒自詠
梁鴻冷竈

向誰溫宮亭如願
何時覓清夢同飛
白苧村

彼此商
及買鬢

龔二雲濤

立海

遣詩索評闢
藝次韻戲禽

鬱輪一曲老登場
粧點娥媞半額黃
花樣新能櫪九朽
根源舊喜裕三長
蕊珠初得飛仙佩
螯蟹餐完措大腸
飽領秋風滋味好
者回宮錦奪東方

殘臘書愁

綴瓦冰條幾尺深
巢雛陳鶴啄空林
饑寒自練詩中骨
氣誼誰傾劍外心
偃蹇孤懷吟趙壹
寂寥情思老繁欽
衙丞漫索檐梅笑
臘甕清香信手斟

次韻舍何十五

元 四首

百家枕葑詡淹通門第梅花木部風面壁功深經九白
捶琴吟倦壓三紅箱中陰德銜環雀冊裡神仙食字蟲
纔及馬周獻書日掀冠一笑手摩空

蒼茫獨立首搔時漚眼槐街瘦馬馳芸帙早知儲柳篋
草鞋休羨賣桃椎官求我輩何嫌冷福到才人未厭遲
糴米能招杜陵老窄衣短鬢鎮相宜

蔗竿酣舞爲君豪慘綠慙余熾舊袍杯酒浮名爭鼠臂
义錢活計刮龜毛通寶傲蝦嵒康柳避市孤棲仲蔚蒿
一事樽人難解脫書堆蟬粉日爬搔

撐腸拄腹五千篇，角藝論交記昔年。
雨翦景行畦畔韭，香斟慧曉宅邊泉。
饒君地稅收文冢，笑我天荒到硯田。
祿祿徑須投筆去，彎弓腰矢射蠻貊。

題羅花漁觀瀑圖

巉巖倚天斷，崑崙懸流倒噴銀。
河水搖秋千丈水晶簾，曳地寒雲捲不起。
黛影模糊縹渺間，練光浮動空濛裏。
雷霆怒擊聲喧阗，仰見白龍睛掉尾垂綃冰裂愁泉蛟。
眠蘿雪冷嘯山鬼，竒觀我昔聞匡廬馬尾龜背綿亘似。
一綫奔騰雙劍高，雲錦森張翠飛灑。
又聞黃華更幽絕，淋漓韻吐遺山子。
蒼嵐濕擁高歡宮鏡奩，青濯芙蓉蕊。

平生脚踏九州烟天瓢欲飲流霞髓而此佳境了不到
山猿獻嘲林鶴恥江東生是文酒豪芥蒂胸吞雲夢幾
支牀雨臥雙枯藤被壁墨飛一嶮紙狂吟索我揮霜毫
徐凝惡詩笑難洗海風不斷月照空眩轉珠花濺腮几
芙蓉峯丐者乞食圖爲張中階初題四首

儒冠遊戲此風塵鍊就錚錚鐵丐身歌涕無端澆酒夜
銅絃重譜雪中人

蕭然瓢杖立蒼茫羣吠信信怒莫當失笑一却千古貉

崖柴憑點作狙猿

圖中朱門重
閉樽犬當關

潦倒牛衣泣仲卿咄嗟狗國聘齊嬰何如毳擁風流骨

托鉢歌姬院裡行

寂寥一飯到王孫四海何門住脚跟我亦腸鳴饑欲死
案頭無帖仿平原

夏初過萬福禪林遇龔二雲濤

立海

夜歸賦寄次

見簡韻二首

躑履逢君選佛場談深酒坐到昏黃周秦音釋吾即衍
時雲濤哀輯 楚南金石畧 盛鄭經傳馬季長未許雲烟空過眼何曾
文字解撐腸絕交書竟終年續一笑無情是孔方

伏枕行窩睡味濃閉關幽寂絕喧蹤病妻裹藥扶牀倦
穉女挑燈學繡慵心算書難師范蠡營生鬼亦笑劉龍

劍鋸青萍湘山麓喜割愁腸疊數峯

二十六叔父硯麓先生

湘案

借寓江心水綠洲江

神廟登拱極樓題壁次韻二首

飛躡鼉梁曉上樓潭州雄秀望全收湘雲插檻千層出
嶽翠搖江四面流禪榻琴樽留許椽詩瓢風月老唐求
倚天酣嘯濤吹雪洗盪豪襟六月秋

巍峩遠控岳陽樓吸雨吞煙浩漭收三楚帆檣環夾浦
九天鐘磬咽中流無邊香草愁仍種何處騷魂渺莫求
俯瞰蒼蒼人獨立江城畫角冷傳秋

重登拱極樓仍疊前韻

絕無倚傍屹飛樓卅六湘灣汨汨收縹緲身翔天外立
空明影濯鏡中流盪胸屏麓迥相接豁眼員壺近可求
拍遍危欄搖醉墨吟灣側捲洞庭秋

池上納涼

塵聽臨倦換鷺經起趁微涼步短亭夾屋水拖雙簾綠
壓城山臥一肩青歸鴉飼母爭巢樹浴鴨呼雛亂唼萍
渴想茶瓶先貯月露盞香燻藕花汀

送賀質夫重遊岳陽

尋盟風月辨行滕縹緲仙樓去再登秋夢半帆搖鄂渚
酒香一甕醉巴陵飛牋幕府裁齡石臥隱湖天傲季鷹

裁亦君山會曉棹墨花吹上綠峻嶒

贈張童子茂才四首

清風珂里早知名
夔角才華擅老成
行止麒麟文鸞鶩
一衿新補魯諸生

鏡裡芙蓉簇錦函
花風搖影襲襦衫
梯雲纔踏初枕上
骨相凌秋便不凡

芹藻香飛鼓篋來
喧聞佳卷冠圍袍
燕然劍閣銘雙擬
從此人誇好秀才

紅牋秣筆字聯翩
十八人中最少年
定識乃翁開口笑
阿鴻今日遠摩天

寄乾襄城管叟二首

脫屣人寰老赤松，丹卬何處拄吟筇。
海鯨浪跨三千界，樓鶴笙吹十二重。
舊榻塵飛徐孺子，新碑墨黼郭林宗。

窮泉應灑西風淚，玉樹萊衣夢裡逢。

叟子廣用
哀毀繼逝

通德門邊綠長苔，臞仙鶴髮想風裁。
人悲洛社頻澆酒，我羨王家早植槐。
鴻寶遺文花匝匝，鳳毛繩武錦韞韞。
關河遠阻生芻莫，北望崧雲一寫哀。

贈翁茂才四首

摩霄英氣遠飛騰，仰叩天關到幾層。
童子軍中人最少，秋風拔幟看先登。

櫺星侵曉闢橋門得意名聯兩弟舅秋實春華他日卜
錦標爭屬鵝鴿原

幾載蕪城侍綵衣橋將明月二分歸文章半惹江山秀
落紙雲烟麗藻飛

篝燈午夜菽書傳此日承歡遞綵牋我亦一芹曾慰母
風流回首十三年

海槎圖

秋風萬里潮半段枯槎去定有飲牛人邀君天上住
乘風破浪圖

快意一帆風乘秋遠破浪直到天盡頭坐嘯層雲上

遭逢白眼圖

偏側蓬蒿間，寒餓臥陋宅。高放雙眼光，照見古人色。生
恨不同時，古人難我識。紛紛塵中眼，何暇較青白。銅臭
薰其睛，小孔兩豆罌。白固不屑論，青亦未爲得。長卿賣
酒，傭子雲校書。客亘譚世豈多，楊意薦可惜。一笑閉吾
眸，浮雲埽空碧。

三十二 灣草廬稿卷六終